

mei schlof

i glaub mei schlof der is heit spaziern gangan
hot si bloßfiassig ba da tia ausse gstein
hot vastoin si im stiagnhaus nomoi umdraht
und strawantz hiatz schnurstracks iwan ring

ba da urania do hom sa si troffn
mei schlof und da gluatrote mond
hom hand in hand hamlich stü steandaln gschaut
bis in mond seine augn schwaa san wuan

am stubntor do hot scho a tram gwoat
hot si gfrogt wo mei schlof so lang bleibt
woit goa muttasönallanich wieder umdrahn
owar am end is a do no aufkreuzt

i glaub mei schlof der is heit spaziern gwest
hot si tramhappert iwas fensterbangl eina gstein
hot vastoin si de zent putzt ohne umdrahn
schoacht a sölig am diwan bis muagn

©verena göttl